

թռչող կաթալին, կարողացայ գետին գլորել նապաստակին իր փախչելու միջոցին, բայց նրանցից միայն երկուսին յաջողոեցաւ այդ անել:

Ասլանը ինձ հետ ժամանակ չորոշեց, թէ երբ կը վերադառնայ, այս պատճառով ես շտապում էի շատ չուշանալ, մտածելով, գուցէ նա եկած կը լինէր: Դրա համար մենք վերադարձանք բէկի վրանը, երբ կեսօր էր: Ասլանը դեռ եկած չէր:

Ես շատ սոված էի, բայց ճաշը ուշ տոեցին, որովհետեւ մեր որսած թռչուններից եւ երեւներից եւս պէտք էր մի բան պատրաստել. բացի դրանից, սպասում էին բէկի եւ Ասլանի գալուն:

Ես չուզելով անգործ նստել վրանի տակ եւ ինքնակոչ հիւրի պէս սպասել, մինչեւ ուտելու մի բան տային, դուրս եկայ այնտեղից եւ սկսեցի դիմել դէպի փոքրիկ վտակը, որ հոսում էր հովտի միջով:

Կեսօր էր: Այս ժամին հովիւները քշում են ոչխարները վրանների մերձակայ մակաղատեղիներում, ուր գնում են կնիկները եւ աղջիկները կաթը կթելու: Նրանք արդէն իրանց գործը վերջացրել էին, եւ կաթնով լի սափորները գլխների վրայ դրած, վերադառնում էին ոչխարների հանգրոանից: Քիչ էր պատահում, որ այդ աղջիկները կամ մանկահասակ կանայք իմ մօտով անցնելիս, որեւիցէ կատակ կամ սրախօսութիւն չարձակէին դէպի ինձ: Նրանք մի բան էին ասում, եւ առանց պատասխանին սպասելու, ծիծաղելով անց էին կենում: Ես յիմարի պէս նայում էի նրանց ետեւից եւ լուռ էի մնում: — Վերջապէս հանդիպեց նա, որին ես որոնում էի. — Թուրփն, այսպէս էին կոչում այն աղջկան, որ առաւօտեան իմ լրացրելու ժամանակ թողեց իմ մտքում մի կասկածաւոր կարծիք. այժմ նա դառնում էր ոչխարների հանգրոանից, եւ որպէս իր ընկերուհիքը, կաթնով լիքը սափորը գլխին դրած: Նրա հետն էր այն մանկահասակ կինը, որից առաւօտեան լսեցի աղետալի երգը: Նրանք տեսնելով ինձ, բաժանուեցան իրանց խմբից եւ եկան ինձ մօտ:

— Կաթ կը խմե՞ս, — եղաւ Թուրփի առաջին խօսքը:

Թէեւ ես սովորութիւն չունէի հում կաթ խմելու, բայց Թուրփի խօսքը չկոտրուլ համար, ընդունեցի նրա հրաւերը: Նա լեցրուց փոքրիկ փայտեայ գաւաթը, որ իր հետ ուներ, եւ ժպտելով տոեց ինձ:

Նրանք նստեցին վտակի ափի մօտ հանգստանալու: Եւ իրաւ, բաւական յոգնած էին, որովհետեւ հեռու տեղից էին գալիս: Թուրփն սկսեց վտակի սառը ջրով լոանալ իր բորբոքոած երեսը եւ յետոյ սրբեց հագուստի դրօշակով: Նրա ուղեկիցը լուռ էր. ցերեկով ես աւելի պարզ կարողացայ նշմարել նրա գեղեցիկ երեսի տխուր գծերը: